



會祖雙全諱守貴公傳

匹夫而致千金必有過人之智白手而成家業自屬超衆之才先會祖早歲困窮盡力農畝由張五店遷居東豐窩農隙則販布交易漸致小康嘗有偷兒夜入室攫去白金三百兩公暗識其中一人人詰之未肯言也性嚴急遇人事有不合言有不順面斥其短雖憾之亦不顧教先大夫不以幼孤而少寬小有過失則責撻之而後泣焉大約其情真其氣盛其居心也正其持己也矜其與物無爭其治家尙儉故能少無立錐老成富室勤儉之家風未必不自公開之猶令人言念不置云妣臧氏生先祖一人先祖姑母四人嘉慶十年歲次乙丑十月會孫光前謹誌

祖盛之諱養林公傳

人有修身立行而自膺多福固其理之當乎亦有身修行立而弗享壽考或其數之奇乎如先祖盛之公令人思慕泣下霑襟焉先曾祖性嚴厲先祖事之能得其歡心經營家務克儉克勤二十八歲曾隻身赴洛陽貿易布疋獲利甚厚家計漸裕而自奉益約每飯以肉半斤供先曾祖饌自與先祖母暨先考先姑以蔬水自甘始終如一焉嗚呼以如是之勤勞庶幾克享大年得遂頤養奈天心難測中年竟以病殂何數之奇也然跡其平生宗族稱孝鄉黨稱悌好禮慕義見重一時邑侯李上林先生曾予一額曰熙朝俊秀則其爲人亦可概知矣妣氏張同邑中大族也二十歲歸先祖中饋之績織紉之勤姑不具論事舅姑則孝而恭處夫婦則和而敬先曾祖偶於門內暴怒之時勸之不解必整衣裳拜跪於門外涕泣而祈息怒怒不息不敢起也佐先祖任理家務早夜勤勞蔬食敝衣甘之若素自先祖棄世苦節自貞數十年來旁人未嘗見其嬉笑家事無巨細全係一人料理嘗泣訓先考曰爾祖老爾父亡爾

影隻形單若不成立予無顏見爾族人且無顏見爾父於地下先考亦嗚呼自誓焉
先祖享年三十六祖妣享年六十九生先考一人姑母三人長適王次適李三未字
而亡先祖卒後先考追贈入國學乾隆癸丑以長孫安州訓導_也贈修職郎祖妣_孀
人嘉慶庚申以三孫光里蘇州府總捕同知誥贈奉政大夫祖妣太宜人孫光先
誌 謹

先考俊儒公諱偉傳

嗚呼士有未膺民社而德被一方澤遺後世不假修飾而行合聖賢教貽子孫如先考俊儒公之爲人殆難更僕數矣先考十一歲而孤事會祖父母與祖母以孝聞會祖疾篤時囑以白金二百殉殮先考謹遵而未用稟祖母曰寶物於殮不宜不如施捨賑窮先人得安地下也事祖母從未敢仰視朝夕侍側命之坐坐則從未加膝三十年如一日此皆聞於先姑母者也少受業於同鄉李明月先生先生嚴氣正性書法得柳之髓先考書法亦如之及長以家務廢學然一行一言靡不恪遵師訓明月先生老而獨貧無立錫先考以門生供子職事之數十年先生病篤以二十歲之孀媳未週歲之幼孫囑養於先考先考涕泣慨然應命於是養其媳若妹弟撫其孫如己子與光先等同受業於王莘圃先生其孫字敦良性疲滑不喜讀書先考加以權斥不勝傷悲曰爾若不勉續書香予何顏見爾祖於地下厥後敦良入泮爲之成婚其家長幼衣食咸取給於吾家先考臨終遺以田六頃白金三百兩執敦良之手而

泣曰予迄今未忘汝祖之教此皆光先等待牀側聆遺言相與泣數行下者也同鄉
劉贊莊王姓兄弟析產爭五百金幾成訟矣先考私謂其弟曰汝兄出五百金付余
存某舖矣其弟暢然受之其兄不知也越三載知之始感泣而償焉質庫少年某晉
人也負銀趨市售訖計數缺一封知衆人喧譁之時爲黠者所竊乃頓足號泣曰余
二千里覓食幸得棲身頗爲董事者所顧今若此不惟董事者不容將終身無寄食
之地矣何以生爲適先考在側笑而慰止之曰汝年少太不省事余今日有急需其
一封頃已向汝言明若何價值令僕人持去矣汝忘之耶歸語而司簿者登記勿再
忽焉少年茫然唯唯如命後黠者之事稍洩而少年之感益深先考俱置之弗辯先
考陰德濟人慷慨好義耗損多金毫無吝意至於治家教子服食器用儉樸是崇非
出門不衣綢帛不修容飾以隨俗非宴客不御酒肉不多宰殺以詡豐厚自二十八
歲經營家務顯有富名而自奉之儉約殆如寒士光先等嘗婉言請少豐則太息曰
吾豈不能美衣食哉因念祖宗創業艱難又欲爲子孫惜福予用不盡者子孫享之


或可綿長耳願爾輩心念之慎莫效膏粱習氣也治家之暇尤喜觀書家有紫陽綱目閱之無間寒暑嘗於冬夜口授光里學庸集註焉嗚呼爲善無不報如先考之懿德懿行而平生未膺富貴之榮諸子又無顯揚之大亦可慨矣然畿東稱爲善人士農工商靡不羨慕卒之日閭里聞之泣下者不可勝數非立心制行實德在人不能感孚若此乎卒於乾隆四十六年八月初二日未時距生於康熙丁酉年十二月十四日戌時享年六十有五援例入貢敕贈修職郎誥贈奉政大夫元配張宜人生光前繼配呂宜人生光先光里光庭男光里謹誌



六世祖樸園公黃州政蹟

公諱光庭字楮颺號樸園別號堯齋老人貢生俊儒公子也中乾隆乙卯科舉人由內閣中書任湖北黃州府太守道光癸未公抵任所甫三日時方盛夏遭所屬黃梅廣濟等縣呈報水災公即時勘驗黃梅隄工已冲開決口一千五百丈有奇沿隄百姓皆棲蓆棚中災鴻數萬待哺嗷嗷歷勘各屬水災惟廣濟之永東泰東二鄉被災村民尤爲難撫公微服至黃梅查賑遭遇黃梅令張維屏亦私行勘驗相得甚歡由是黃梅之路塗鎮廣濟之龍坪鎮等處勘災監賑冒暑衝波不辭勞瘁復由本籍捐金散米全活無算黃梅隄工以次築修經四十九日始竣凡日用米薪蔬菜皆自備從不以豬肝累人時屬吏張維屏憂勞困迫屢瀕於危公溫言慰勉共襄公務公蒞任九月帶印公出者五月之久公在黃州署堂聯有江山應笑我雪堂半載未開樽之句其勤於公事可知矣公以疾告歸清風盛德楚郡之人至今稱道弗衰致仕後猶與黃梅令張維屏詩簡往來詩句有黃州太守黃梅令一段詩緣海內知公生平

之爲人廉平風雅於此亦概可想見云




Faint vertical text columns, likely bleed-through from the reverse side of the page. The characters are mostly illegible due to fading.

大清宣統元年...

七世祖小亭公守鳳事略

林亭之小亭李公者李文恪公之胞弟東亭諱光先公子也公諱菊行六性豪爽居家稱孝友尙氣節讀書亦勤敏人皆以遠大期之後由道光己酉科舉人任山西寧鄉縣宰旋遷鳳臺縣公在鳳時粵匪竄擾河南懷慶等縣府鳳境太行山與河南毗連公聞警戒嚴督率城鄉紳民兼募勇丁日夜巡守城鄉火藥爲之一空乃於太行山口之觀音坡安放水缸數百口臥山坡上蒙紅氈僞作大礮狀嗣粵匪欲由河南擾山西窺伺觀音坡俱有埋伏逡巡不敢入賊乃退去此一役也不獨鳳郡獲全而山西一省無粵匪之擾者皆公之力也公身歷行間者三閱月積勞成疾坐逝鳳臺任所事上聞特贈知府照軍營例賜卹邑民感公善禦賊能愛民且爲一方保障也因約紳耆爲公建立義祠肖像以祀之迄今香火不絕公猶時顯靈應爲鳳民庇佑

云佑



七世 誥授光祿大夫經筵講官工部
尚書實錄館纂本總裁予諡文恪滋園府君行述

嗚呼痛哉府君竟棄 不孝 等而長逝耶府君氣體素健天宇冲和年近古稀而趨公

倮直精力未衰方冀永亨遐齡長依愛日乃於壬戌八月忽患痰嗽項間旋發一瘍

屢經請假調治延至癸亥二月氣益不支百藥不效竟於初八日棄養嗚呼痛哉 不

孝 等侍奉無狀萬死莫贖尚何忍視息偷生顧念府君自幼學以至服官植品立朝

具有本末若不如痛追述溷沒弗彰則 不孝 等之戾逾重謹和淚濡毫敬陳梗概伏

冀仁人君子垂鑒焉

府君姓李氏諱蒞字豐垣號滋園先世居昌平州明季遷於寶坻之林亭鎮世有隱

德至府君曾祖盛之公諱養林祖俊儒公諱偉皆以府君貴累 贈光祿大夫曾祖

母氏張祖母氏張氏呂均封一品夫人父東亭公諱光先乾隆戊申舉人由工部郎

中 簡放江西贛州府知府累贈光祿大夫母氏趙累 封一品夫人生子六府君

行三長爲先伯父諱軒公諱蔭嘉慶癸酉科拔貢仕至廣東潮州府知府次樹屏公

諱藩嘉慶癸酉甲戌聯捷進士仕至江西建昌府知府候選道先叔父新塘公諱苑

嘉慶戊寅 恩科舉人道光癸未進士仕至安徽徽州府知府候補道 賞加鹽運

使銜照軍營病故例 賜卹 贈太常寺卿翼齋公諱莊道光壬午舉人戊戌進士

仕至四川重慶府知府 賞加道銜小亭公諱薌道光己亥科舉人山西鳳臺縣知

縣特贈知府照軍營病故例 賜卹皆先逝府君生而岐嶷穎悟敏慧年十六補博

士弟子員受知於學使杜文端公^塔 嘉慶戊寅 恩科與叔父新塘公同舉於鄉道

光壬午 恩科捷禮^閣 殿試二甲成進士 朝考入選改翰林院庶吉士 派習

國書癸未散館授職編修新塘公亦於是年館選連枝競爽時論榮之府君以專習

國書未與詩賦之課留館後潛心試律與會公少坡李公文垣戴公湘圃蔡公芸士

朝夕聯吟洽歲之間得詩千餘首所刻挹芳軒詩集半是時作也壬辰分校禮閣爲

得 差之始府君以己卯會試薦卷出林文忠公 則徐 房文忠校閱精覈爲當時所

稱故閱卷一以文忠爲法本房得士最盛如陳給諫 慶鏞 單大司空 懋謙 其尤著者

也壬辰考差詩題係麥秋至府君有春猶餘芍藥秋不待梧桐之句一時傳誦卽於是秋與翁文端公心存同拜典試四川之

命府君蜀闈闈卷一如分校春闈時得士六十餘人皆一時之選謝忠愍公子澄後在

天津縣任內保衛城社剿賊捐生追贈方伯人以此服府君藻鑑之明蓋於衡文

時早識其爲國器矣丁酉升詹事府右贊善是科順天鄉試府君以本籍人爲同

考官誠異數也得士卓鶴溪少宰樸以善書名於時董竹樓太守振鐸後殉漢陽

髮逆之難其爲山東令時以循吏稱是冬升司經局洗馬己亥大考翰詹列優等拜

宮錦之

賜升侍講轉侍讀旋升侍講學士充

日講起居注官數月之間疊邀

寵命府君具摺謝

恩派教習戊戌科庶吉士轉侍讀學士庚子分校禮闈得士稱盛會元吳宮允敬義出

門下吳制軍 棠 孫學士 錫鳴 吳編修 福年 亦均以膺薦受知文名夙著士論翕然辛丑

升詹事府少詹事是年冬

簡放安徽學政蒙

召見奉有學政以關防爲重家丁幕友尤宜嚴加防範朝夕習勤之

諭叩辭後卽日出都於十一月二十五日到任具摺恭報奉

旨知道了欽此府君以學政職在遠才尤重剔弊與主考專司文藝者不同不惜重金募

中延致李君 志學 諸人皆歷年拔取知名之士隨棚襄校江北各屬均未歲考府君於

壬寅正月起程按試廬州等府下車之始查出縣差人役有夤緣覬望情形立交提調

訊責 松 示宵小凜然點名時嚴搜夾帶日坐堂皇胥吏概行封置旁所非奉呼喚不准

上堂校官二人隨同監試靜場方退嚴考經古以 覘 實學親記號 戮 以杜槍冒發案後比

對連卷必親校閱文字不符立予扣除恐贗鼎不 核 則真材屈抑場規務極於嚴而愛

才之殷待士之厚出於夙性少年寒 峻 尤必力爲成就期望殷拳彼都人士欽歎陟之

公仰培植之厚凡應試入都及以事至者無不依戀門牆望風恐後其感激之意有
更深於鄉會座主者鳳陽某生以犯規應革府君憐其少年績學特予薄懲起馬時
此生奔走數十里外遮道泣送述及過蒙矜恤當益濯磨府君亦勉以自新力求補
過後其人旋膺薦擢巍科罕有知其事者府君不欲彰人之慝也所得士如孫殿撰
家名鼎方侍讀濬師李中丞翰章李制軍鴻章林方伯之望孫儀部家毅或名重藝林
或身膺疆寄或宜

命遐陬尤爲青目所垂極一時之選是年沿江不靖風聲鶴唳全皖繹騷承平日久人

不知兵太平距金陵百里民尤震憾日有逃亡闔城恟懼其艤舟江澚以待者雖當

事不免有勸府君以職非守土可暫避凶鋒者府君屹不爲動仍與幕中諸君磨勘

試卷較對簿冊盡所當爲力却浮議士民得以觀法其去而復返及竟不遷移者不

可勝數城賴以安江面肅清按試江南科考由寧國而廣德以次徽池安慶士子衆

多得雋愈難卽不能無弊府君加意查剔查出冒名入場及知情蒙混之生童均予

斥革訊辦積弊一清每於詣學講書及發落時環集生童諄諄誨勸告以文行並重
體要交資宜屏浮華勉思通經致用仰副

聖主愛育哉培之至意封篆回署奏報考試情形奉

硃批知道了欽此次年科歲全畢旋准皖撫咨稱四月十九日奉

旨李嵩著補授光祿寺卿欽此四月二十七日奉

旨李嵩仍留安徽學政之任欽此府君具摺謝奉

硃批知道了欽此是年屆癸卯鄉試之期行文各學飭調錄遺各生赴省候試七月中

旬試畢俟接任季仙九學使到任即起程回京供職甲辰升授通政使司通政使旋
升授都察院左副都御史遼陽州命婦劉張氏遣抱控河南省辦理清查率以官虧
捏作民欠伊子劉文麟初到沈邱縣任以前任虧控延未結報稟經府司不與辦理
反被列入計典等情奉

旨此案著交潘鐸督同張集驛親提人證卷宗秉公審訊等因欽此府君以州縣計典

例由本府詳請上司核辦而巡撫實總舉劾之權今該命婦所控各節巡撫潘鐸正其所控之人恐交令審訊有所牽制巡撫似應迴避繕摺具奏奉

旨允行府君由翰林擢至副憲一時同事諸公或奉 差外出或兼管部旗未能長川

入署惟府君歷年最久將事最勤諸公恆倚以為重府君亦自忘其勞嗣後每念及

寅恭之雅恆不去懷焉已酉 不孝德良 以選拔貢入成均 德坊 亦以是科領鄉薦庚

戌會試挑取騰錄 德良 朝考二等引

見以知縣用籤分四川二月二十六日 不孝德堂 以三品廕生

丙用籤掣中書科行走六月選授實缺府君具摺謝闕八月奉

旨署禮部左侍郎

召見詢及冒籍一案府君據實奏十月 不孝德良 委署四川鹽亭縣事府君以 不孝初

膺民社寄諭訓迪居官蒞民之道慕詳三月

宣宗成皇帝奉安

山陵

大禮告成

升祔禮成均奉

旨加級與禮部堂官連銜具摺謝會奉

旨採納直言府君應

詔陳四事一臣工因循之習宜振作一臣工欺飾之弊宜擴清一臣工玩法之漸宜預

防一臣工偏執之私宜屏除按切時弊一以得人爲急務奏入奉

旨李崧所奏不爲無見存之以備採擇欽此又另片奏請褒忠節援引我朝旌忠之

厚請

溫綸廣播以旌苦節均蒙

嘉納六月奉

派揀選武職八月奉



派覆勘試卷十一月初八日禮部奏事蒙

召見詢及長子現有官否奏 德良 四川候補知縣

詢已補缺否奏現署鹽亭縣事癸丑七月卸署禮部侍郎事禮部公事素簡是時

文廟御極之初

鉅典類仍部務諸多繁重府君署任兩年與同官夙夜講求悉心酌議事無鉅細綜理

靡遺八月以腹疾請假五日假滿請 安蒙

召見詢及病愈否現署侍郎否實坎過兵差否以次對九月六叔父小亭公在鳳臺任

所逝世先是粵匪竄擾河南懷慶鳳境之太行山與河內昆連小亭公聞警戒嚴歷

行間者三月之久府君友愛素篤知其有痰壅舊症致函敬勉以盡心 國事得暇

養身蓋恐其不支也粹聞訃信痛悼累日嗣聞部民爲叔父建立義祠肖像以祀轉

益增感十一月奉

旨署兵部右侍郎時需餉孔亟王大臣均措備捐輸府君與都察院各堂公捐蒙

恩加級具摺謝甲寅正月四叔父 簡放江西九江府知府五叔父 簡放四川成都
遺缺知府全日承

恩四叔父以四品京堂待簡數年府君尤爲欣喜二月

派揀選營員

召見詢及如何揀選在何處派揀選者均係何人汝弟李純李莊於何日起身李薺靈
極已回家否

聖心眷注垂問周詳府君退值傳諭兩叔父同深感激三月

授兵部右侍郎旋轉左侍郎

召見以籍隸京東

詢及通寶隄工並有 派令倡捐之意奏對稱

旨

聖容怡悅旋奉

旨署理倉場侍郎

召見詢及隄工事宜蓋畿輔羣黎無日不繫

聖慮也海運將次抵通卽日赴路向來倉場供億浩繁府君以現值正款支絀何暇計

私恐廳員仍蹈舊習家人等籍端濫索手書嚴諭一切禁絕署中各用均自備給發

時北寺莊隄工業已合龍引河疏暢驗收附片奏

開午節後海運米到通逐船盤驗剝船船戶向苦地棍訛索府君訪拿其最著者柳賈

示衆羣小歛戢嗣後按日驗米來往河塢七月下旬交卸署篆

召見詢及交卸日期驗米處所經紀等有無弊竇大考幾次取一等否並問及江西有

弟兄否奏稱臣胞兄李藩現任建昌府知府

問由何衙門出身在彼幾年一一奏

聞九月奉

旨補授倉場侍郎時譚竹巖京兆有末二起粟米請截卸北倉之奏由五百里發文迎提

十月中始抵倉卸訖十月四叔父來信以與二伯父同省對調徽州先行到任府君甚喜十一月以奏事

召見詢及京中衙門在何處通州衙門兩人同住尙寬綽否一年養廉多少此外尙有所得否坐糧廳漢官何人下得去否各省有輕齎否山東輕齎多少往年撥戶部款還過否兄弟之子幾人向同居否明年何時赴通北倉截卸之米幾時起運並及外城團防等事甚悉奏對逾數刻乙卯二月間與欽差同由水路赴通抽驗剝船油艚並排造新船一律乾固六月初九日進京恭祝

萬壽次日

召對詢及通州一帶水勢北新倉案解任監督何人譚廷襄來行禮否是時譚授少司寇仍兼署京兆也八月 不孝德坊 選授河南濬縣知縣十一月奏事

召見詢及大通橋監督係照例保舉否書吏王恩榮何以此時纔保奏在通坐轎在京坐車否衙門堂期何日要緊事件在家亦可辦否各倉監督俱認識否農田望雪否現在

事體較簡應辦何等事件據實奏次月

召見又詢鄉間得雪否城外尙安靜買賣尙多關閉否新授滿坐糧廳係何姓名由何處帶領引見大通橋係由各監督奏調現在辦理先漕何等事件各倉盜竊倉糧有撤任者否尙政濟尙仍充監督否依次對丙辰二月
不孝德坊 赴濬縣任卅餘年未離膝下叩別之際淚下凄然是月府君以奏事蒙

召見詢及文慶係同科大學士賈禎科分在後孫瑞珍是否同年試差幾次同考得過否天語甚久十月堂兄德增由工部主事改捐知府分發山東府君入對蒙

詢及並問四川開縣知縣係第幾子是何名一一奏明丁巳二月

派收捐輸米石 不孝德垣 以主事簽分工部行走 不孝德堂 中書截取引

見以外用 不孝德城 以內閣中書分發行走六月府君以前捐輸平糶奉

旨交部從優議敘具摺謝九月接四叔父安徽病逝之信府君與叔父同舉鄉闈手足之情尤篤睽離四載驟聞凶耗中心悲梗較六叔父之逝尤爲痛切逾日以奏事

召見蒙

詢及隨即謝

賜卹恩又詢請假與否奏現有趕驗奉省米石事件俟完竣乞

恩賞假是年 不孝德良 保升眉州直隸州知州遣 孫桂攀桂聯 趨侍京邸戊午 不孝德堂

以同知分發山西八月奉

旨以六部侍郎候補自開坊後供職京曹二十餘載未得請假回里交卸後具指請展墓時

二伯父已請告在籍聯牀夢草風雨言歡為歷年未有之樂假滿旋京與 先叔祖樸

園公張詩於大司空興潤齋軍門潘木君制府諸公聯五老會詩酒陶情觴咏殆無虛

日庚申三月奉

旨署禮部右侍郎謝

恩詢及履歷住址並已故安徽道員係汝弟何名四川知府係名李莊否奏是旋

派揀選直隸叅遊等官九月奉

旨補授工部左侍郎赴內閣遞摺謝 不孝德良 以軍功保舉奉

旨以知府用並賞戴花翎 不孝德城 由留京王大臣保奏奉

旨賞加侍讀銜府君先後具摺謝十月奉

派

西陵查工十二月奉到 廷寄

派往

西陵查看樹株隨帶同司員前往勘畢至熱河復


命

召見詢何時到

西陵查勘幾日後寶山切近

寶城否樹株係挖出始行補種共補多少棵總兵舒精阿想係疲軟奕禡等想不相和

上次查工另案宜修者何處上次帶文於汪體孚此次又帶何人奏稱景霖陳鴻翁又



詢景霖係充都察院經歷者否汝此來共走幾天營兵汎舟偷樹想是私出口門易州涿水均是大雪有一尺否由京至熱河途中過嶺如何走法想係坐車來的京城外圍防尙好汝此來自然過年衣服都帶來否明日仍遞牌否奏天天在 宮門伺候叫起

上領之二十八日

召見詢汝到

西陵見奕櫛三人否查工歲修工程係遣司員分驗否汝子外任幾人均奏

聞三十日在

正大光明殿侍筵宴辛酉元旦在

澹泊誠敬殿叩賀初六日遞跪

安摺

召見詢工部年內有積壓未奏事否司員畫稿係在署抑在內閣汝在此住京中有所聞否香河寶坻等處團練有成效否係何人辦理寶坻知縣係何人自此地到京走幾日

灤河水好走否已有橋否汝明後日起身即可跪安當即退步跪請

聖躬萬安隨叩退初十日到京二月奉

派往

東陵修另案工程同派者基少幸薄少宰具摺赴

陵開工府君俟秋間前往收功三月桂攀取拔貢四月不孝德城補中書缺七月十八

日接報驚聞

文宗顯皇帝升遐府君呼搶哀號罔知所措即入署與同官商辦一切應備事宜奉

旨會議

郊配大典與王大臣遵照

宣宗成皇帝遺訓公疏具奏十月初三日赴清河次日

聖駕出城接

梓宮入城奉安



乾清宮初九日

皇上御極恭襄大禮奉

旨補授吏部左侍郎

派閱宗室鄉試覆試卷

升配大典

康慈皇后上

尊謚皆會議以

聞

賞紫禁城騎馬

次孫桂聯中式舉人先後具摺謝派充

實錄館副總裁武

殿試讀卷官吏部奏事與尚書全公

慶侍郎載公齡同蒙

召見

太后設黃幔



上坐輦外

太后詢履歷奏 臣 係順天寶坻人由詩館游升侍郎議政王奏三人俱係科甲資格俱深

諭辦理部務俱好此後更宜勉勵叩頭謝旋

派充經筵講官署理禮部尚書年終蒙

賜野雞掛麵壬戌三月

授工部尚書

派往

西陵恭送

冊

寶

派專司

實錄蒙本閱貢士覆試卷庶吉士散館卷二十五日上

兩宮

皇太后徽號捧

冊

寶蒙

賞大緞江綢袍褂料大小荷包

派閱貢士 朝考卷拔貢覆試卷宗室卿試覆試卷是年五月 不孝德良 因保升引

見來京 不孝德垣 中式第三十七名舉人府君慈意欣慰閏八月十八日偶患痰嗽


舊疾兼項間有浮腫處延醫診治具摺請假恭值

宮奉移

西陵奉

派往查橋梁道路趕速銷假遂行途中項瘡大發到隆福寺即折回自是屢蒙

給假至十月漸愈初五日進



內謝

賞

宜廟聖訓

恩初十日爲翁文端公行弔同年至好撫棺大慟瘡疾緣是復發然猶勉力從公按

期入值至癸亥正月元氣漸虛二十五日入

內聽宣 不孝 等因是夜大風以寒婉求請假未蒙允許詎意復受外邪毒隨內陷飲

食漸少神氣驟虛急進參芪益氣之劑更添腹瀉百藥無靈延至二月初八日

辰刻遽爾棄養嗚呼痛哉遣摺奏入奉

上諭工部尙書李崑醇謹老成由翰林游躋卿貳屢掌文衡歷奉

三朝無忝厥職朕御極以來復簡擢正卿並派充

實錄館纂本總裁上年因染患瘡疾屢經賞假調理方冀卽日就痊重資倚畀茲聞遽

逝軫惜殊深李崑著加恩照尙書例賜恤任內一切處分悉予開復應得卹典該

衙門查例具奏伊孫李桂祥李桂一李桂辛均著賞給七品小京官分部學習行
走以示朕眷念耆臣之至意欽此旋蒙予諡文恪

諭賜祭葬丙寅十二月初八日

實錄告成奉

上諭原任工部尚書蒙本副總裁李嵩在館一年著賜祭一壇伊孫內閣中書李桂
攀著賞加六品銜欽此

皇恩隆重至渥極優此則 不孝 等世世子孫捐糜難報者也府君性敦孝友事 先

大父東亭公 大母趙太夫人三十餘年先意承志色笑 無違 大父棄養

府君哀毀盡禮喪葬大事必信必誠尤恐以家計上累親心出主晉陽書院講

席者二年以束脯之資爲 甘旨之奉甲午趙太夫人壽終京邸府君與伯叔

父居憂如喪先大父時合葬先阡窀穸大禮戚易咸宜鄉里 避之尤敦本支之

誼 伯祖裕後公叔祖樸園公 伯父燕軒公樹屏公先後皆以

舉恩賜贈如府君官同族及姻黨子弟其才可造者必諳勉力學期以有成不孝等幼
事舉業庭訓爲多比年來執經請業及鄉會試持文求政者戶外屢常滿府君亦
樂此不疲相與手指口畫訓解諄諄無不得當以去尤長吟咏自館選以迄晚歲
共得詩如千首刊抄芳軒詩四卷行於世天性好澹外絕紛華居恒奏事入直外
手執一編無異儒素是以能持身儉約酌水勵清視學皖江督倉通壩皆嚴絕苞
苴不通餽遺却金暮夜人有病其矯情者而府君不恤也顧誼隆推解親知朋舊
歲時周恤不少憚煩或措貲以成人之名或館穀以卒人之業猶憶某年歲暮屏
擋年事尙未裕如竟先代戚好完債多金並不待其人之求請也知其事者歎爲
人情所難夙好緘默凡國家大政及條陳時事奏入輒削其藁親承

天語亦多不使知惟

詢及家世者

聖慈眷注退必詔示不孝等

俾垂之永久奕世知感故不孝等

所追述者僅此府君生於

嘉慶丙辰年二月初一日戌時卒於同治癸亥年二月初八日辰時享年六十有八

誥授光祿大夫 經筵講官工部尚書 實錄館纂本總裁

予諡文恪吾母盧太夫人係涿州原任河南開封府下南河同知諱 拆公女子五人 不

孝德良 道光己酉科拔貢四川候補知府 賞戴花翎 不孝德坊 道光己酉科舉

人河南濬縣知縣以直隸州知州在任候補 賞戴花翎 不孝德垣 同治壬戌科

舉人兵部候補主事員外郎銜 不孝德堂 三品廕生山西候補同知 不孝德城 歲

貢生內閣中書委署侍讀 賞加侍讀銜女二長殤次適山東賈樹堂太史諱越

公季子致惠候選布政司理問孫七人 桂攀 咸豐戊午科謄錄辛酉科拔貢內閣

中書 賞加六品銜 桂聯 咸豐辛酉科舉人同治乙丑科進士戶部候補主事湖

廣司行走 桂祥 恩賞七品小京官刑部貴州司行走 桂辛 恩賞七品小京官

俱 不孝德良 出 桂綸 二品廕生 不孝德坊 出 桂一 恩賞七品小京官 不孝德城

出 桂書 不孝德堂 出 女孫八俱未字敬卜於同治四年五月穀旦奉安寃窆於賈

城縣城東之東豐窩舊阡謹追溯生平泣述如右 不孝等
茲塊餘生語無倫次

倘蒙

大人先生不棄謫陋哀而賜之誄銘 不孝等
世世子孫感且不朽

坊堂

孤子李德良泣血稽顙

城垣

賜進士及第

誥授光祿大夫 經筵日講起居注官太子太保武英殿大學士翰林院掌院學士

上書房總師傅稽察欽奉 上諭事件處 實錄館監修總裁總理兵部事

務加三級姻侍生賈楨頓首拜填諱



七世先祖新塘公徽州知府事略

先祖新塘公由奉天學政任內回京奉 上諭以四品京堂後補數年旋蒙簡放江西九江府知府因胞弟兄迴避同省調任安徽徽州府知府到任三月偏地災黎賑撫地方全活甚衆辛勤數月亦無倦容後以疾苦稟請開缺復蒙晉升以道員選用時陝西涇縣張文毅公印芾甫曉浦先生在皖南防務大臣任內奏留總辦糧台自咸豐乙卯至丁巳軍書旁午昕夕不遑嗣因事竣晉謁兩江制憲因積勞在舟次患病逝世文毅公專章奏請 恩恤旋奉 上諭追贈太常寺卿照積勞病故例賜恤靈襯回籍時沿途地方官妥爲照料齋一子國子監讀書以知縣歸部全選時同治八年也此乃先姑母泣述於王兆崙表兄而謹記者耳光緒三十年歲次甲辰夏四

月孫 錫 謹誌

Blank manuscript page with vertical red lines.



